


مکتبہ علمیہ دارالافتاء

۱۸ نجفی سنہ

غیر ذریعہ ۱۴۱۵

جزء، عدد : ۷۳





کائنات ایچنده بر سیاحت مخیله

{ مابعد عن جزؤ ۶۳ }

مع مافیه مشتری یه ایلك عطف نظرده کنديسنگ کشف بر طبقه هوايه ايله محاط اولديني و بوطبقه داخلنده سياره ايله برابر آنک محوری اطرافنده دوران ايدر جسيم جسيم بلوطلر موجود بؤلنديني گوريلور . فقط دهها زياده شايان اتيان بر شی وار ايسه ، اوده عادی و فقط ابو بر دور بين وساطتيله مشترینگ کنديسي اطرافنده دور ايدر و مشتری یه اولان بعد و مسافه لری مختلف، درت عدد قر و یا شاطر بولنديغنگ گوريله بلسيدر . توابع مذکور دن اوچنجیسی الك بیوك اولديغدن سائرله نسبة دهها سهولته رؤیت اولته بيلور . بؤ کیفیت دهها زياده تدقيق ايديله جك اولور سه گوريلور که مشتری تابعلری طرفدن ارضه نسبة دهها زياده مظهر حسن خدمت اولديني گوريلور . چونکه کنديسسه الك يقين بؤلنان شاطر آنک اطرافنده کی دورینی بر کون و اون سکر ساعتده اکمال ایلديکی کچی، دهها اوزاچه بؤلنان ايکنجی شاطر بؤ دوری اوچ کون و اون اوچ ساعتده و براز دهها اوزاق اولانی یدی کون و اوچ ساعتده و الک اوزاقده بؤلنان دردنچیسى دخی اون آتی کون و اون آتی ساعتده تکمیل ایلکده در .

مشتريڻك كنديسي بر جرم مظلم اوله رق . سيارات ساره گهي كنديسي ده شمسدن اقتباس ضيا ايلديگندن . بعضاً شاطرلرندن بري بر وجهله اوكنه گلوركه . مشتريڻك اوزرينه آتديني كولكه سطح مشتري ده عادتاً بر كسوف حصوله گتير . پك اعلا تماشا وتدقيق اوله بيلان بر حال وقوعنده مشتريڻك مضى اولان كرهسي اوزرنده سياه بر لىكنك يواش يواش مرور ايلديكي گوريلور . برنجي شاطرك كولگهسي ايكي بحق ساعتده . ايكنجينيڻك اوج ساعتده . اوچجينيڻك اوج بحق ساعتده ودرنجينيڻك ظلى دخى درت ساعت و قرق بش دقيقده . مشتريڻك كرهسي اوزرندن كجوب گيدر . لكن بوتابعلزده بالذات مظلم اولدقلرندن آنلر كده مشتريڻك آرقه سنه ويا كولگهسي داخلنه تصادقلرندن دوجار ظلمت اولدقلرى گوريلور . بويله بر حال وقوعنده بردنبره گوزدن نهان اوله رق . نهايت مشتريڻك كولگهسي داخلندن خروج ايتدكن صكره . ينه مشاهد اوله بيلورلر . گوريلور . ياه . مشتري اوزرنده وقت كچيره جك اپي شيلره تصادف اولنيور . بعض كره درت شاطرده بردن گوريله بيلوب آره صره بونلردن بري دوجار ظلمت اولديني گهي . بعضا دخى ايكي شاطر تماميله بري ديگرينك آرقه سنه دوشه رك يكدیگريڻى دوجار ظلمت ايدرلر .

عجبا مشتريده يشامق ايجاب ايتسه خوشمزه كيدر مى ايدى؟ خوشمزه كيده جگهي پكده مأمول ايده ميورز . واقعا بزم مقياسمزه نظراً بو سياره اوزرنده عمر واحيات پك اوزون اولمليدز . چونكه مشتري شمس اطرافنده كي دوراى ۱۱ سنه ۳۱۴ گونده تكميل ايتمكده اولديغندن . آنك اوزرنده كي بر سنه . تقريباً بزم ارضمزه كي ۱۲ سنيه معادل بولمقده در . بناء عليه مشتريڻك سنيه سنه نظراً يشمس ياشنده وفات ايدن بر آدم . كره مزك ۸۰۰ سنه سندن زياده بر مدت يشامش اولور . بوراسى طوغرى اما ايش حياتك قيصلق ويا اوزونلغنده دكل . آنك فصل ونه گهي حالات ايچنده امرار ايدلمش اولسنددر . اگر فرض ايدرسه ككه . مشتري اوزرنده انسان اون ايكي كره ده يواش يمك ير . اون ايكي كره ده يواش ايچر . هضم ايدر . اون ايكي كره ده اوزون بر مدت باش آغريسي حكر .

او نسبتده دها اوزون بر مدت اسیرفراش بولنور . اون ایکی کره دها آغر دوشونور واون ایکی کره زیاده بر مدت جان صیقندیسیله اصرار وقت ایلرسه آرتق ۷۰ مشتری سنه سیمی . یوقسه اول قدر ارض سنه سی می خیرلودر تخلیل اقلنسون : قالدی که بعض آدمار ارض اوزرنده یشادقلری ۷۰ سنه بیله چوق گوریرلر .

ایشته ایش سنه لرله اولچیلور و مشترینک سنه لرله ارضنک سنه لرلی مقایسه ایدیلور ایسه . اوراده کی حیات بویله بر حال وصورته نمایان اولور . لکن مشتری اوزرنده کی حیاتی کونلرک امتدادینه نظراً تقدیر ایدمچک اولورایسه ک ایش بشقه لشور .

مشتری کندی محوری اطرافنده کی دورانی ۹ ساعت ۵۵ دقیقه بر مدت ظرفنده اجرا ایلدیگی جهته آنک کونی ارضده کی کونک نصفی راده سننده بیله اولدیغندن . بالفرض ۷۰ سنه لک ارضده کی عمرک یگر می بش بیك ایکی یوز الی کوتی آلورده . مشترینک ده او مقدار کوتی آله جق اولورایسه ک . او زمان اهالی مشترینک مدت عمرینک زیاده دوچار اختصار اولدیغنی گوریرز ؟ چونکه او مقدار مشتری کونی آنجق یگر می طقوز قدر ارض سنه سی ایتدیگی کبی یالکژده ایکی بحق مشتری سنه سی ایدر .

لکن عمرک طولنه اهمیت ویرمه چک اولورایسه ک . او زمان مدتک قلته دخی اهمیت ویرماملیز . بر کره اورانک ترتیبی بر انسانک اوج سال مشتری بی اکال ایدمه مامسنی و بر سال مشتری بی بیتورمدن چوجقلق وکنجملک وقتلرینی گیروده بر اقدرق سن کاله واصل اولسنی وایکنجی سنه انساننده چالشوب چبالامسنی و او چنجی سنه انساننده سن شیخوخته واصل اوله رق قرارگاه ابدیه مهی عزیمت اولمسنی استلزام ایدبورسه بز بؤگانه دیلم . قیسه بر عمر ایچنده جسمانی و معنوی اضطراب و مسرت اولدجه یکدیگرینه قاریشمش اولدیغندن ، اوزون بر عمردن دها فنا اولدیغنه حکم ایدمه میز .

بز بؤسطرلری بازارکن بلکه مشتری اوزرنده اصحاب عقلدن بر مخلوق اوتوروب

بزم بؤراده اون ایکی دفعه ده قیسه اولان سنه لر و اوج دفعه یه یقین کونلر من ایله
نصل ایش کوردیکمزی دوشونیور و اویلہ بر قیسه سنہ ایلہ نصل اکتفا ایدہ بیلدیکمز
و اوقدر اوزون کونلری جانمز صیقیلقمسزین نصل کچورہ بیلدیکمز عقل ایردیرہ میور.
مع مافیه مشتری اوزرنده سنه لر ایلہ و بالذات مشتری سنه لر یلہ بیلہ حساب
کورلدیکی دهـا زیاده قرین حقیقت اوله بیلور . چونکه مشتری کندی محوری
اطرافنده بر وجهـله دوران ایدرکه، کورسی اوزرنده کچه ایلہ کوندز همان متعادیا
و هر نقطه سی اوزرنده متساویاً تقسیم ایدلمش اولدیغندن، تبدلات مواسم اوراجه
مجهول اولمغین شمسک حرکتی تدقیق و تعقیبه سبب بؤلنمز . بؤنک ایچون اورا
اهالیسی مشترینک و قتلرینی شواطر سیاره نلک حرکتلرینه نظر آ تقسیم ایدہ جک
اولورسه دهـا زیاده استفاده ایدر . زیرا درت عدد اولان بو شواطرک، سیاره
اطرافنده کی مدت دورانلری مختلف اولدیغندن، آنلره کوره قیسه و اوزون مدتلر
تعیننده ووقتی آنلرک دورانلرینه نظر آ تقسیم ایتکده بیوک بر سهولت وارد .
مشتری اوزرندن شمسک جسماتی ارضدن کورلدیگنه نظر آ بش دفعه دن زیاده
دهـا کوچک کورنمکده اولوب، بناء علیه ضیای شمس دخی بزده کنه نسبت یگر می
یدی دفعه دهـا ضعیف اولدینی کبی، شعاعات شمس حرارتی دخی او نسبتده تناقص
ایدر . بؤنک ایچون مشتریده ذی روح موجود اولدینی فرض ایدیلہ جک اولورسه
بزم ضیای شمسده کوره بیلدیکمز درجه ده کوره نلک ایچون مطلقا کدی کوزلرینه
مالک بؤلنملری اقتضا ایدر ایدی . فقط بؤکا مقابل سیگیرلری غایت قوتلی اولمق ایجاب
ایدر . چونکه مشترینک قوه جاذبه سی اوقدر شدیددرکه آنک اوزرینه بزجه بر
قیه لک برشی کوتوریلہ جک اولسه در حال ایکی بحق قیه لک بر ثقلت پیدا ایدر .
مشتری حقنده براز معلومات ویرمه چالشدق . شمعی شاطرلرندن بری
اوزرنده معیشت نه حالده بؤلنمسی لازم گلہ جگنی تدقیق ایدلم . اوت! تدقیق ایدلم
دیمک قولای . لکن تدقیق کوچ . آنلر حقنده کی معلوماتمز پک نقصان . بیلدیکمز
برشی واریسه اوده، بؤلنرکده ارضک شاطری بؤلنان قمرکی هوای نسیمدن محروم
اولدقلرندن آنلره ایدیلہ جک بر زیارت پکده خوشمزہ کیمیه جکدر . بؤلنرک قمره

بر مشاهرتلری دها وارد دکه. اوده قرکی بؤنلر کده باشلیجه سیاره یه یالکیز بر صفحه لرینی
توجیه و ابراز ایتملریدر. مشتری شواطیرینک مشتری یه الک یقین بؤلنان نقطه سی سیاره.
مذکوره طرفدن بر درجه ده منجذب اولورکه. بیچاره شاطر کندی محوری اطرافده
بر کره اولسون دور ایتمک ایچون نه هوس ونده اقتدار بؤله بیلور. تشفی صدر
ایچون بیایلدکلری برشی وار ایسه اوده مشتری اطرافده دوران ایتمکلری ائشاده
اقتباس ضیا آرزو سیله هر طرفلرینی شمس پیدرپی ابراز ایتملریدر. بناء علیه مشتری
تابع لرندن برینک اوزرنده کی برکونک امتدادی مذکور تابعک مشتری اطرافده کی
بر دورانی مدتیه معادلدر. لکن بؤکا مقابل بر بختیارلغه مالک بؤلنورلر. اوده
کیجه لری مشتری دن بزم تصور ایده میه جگمز بر نور فوق العاده دن مستفید اولملریدر.
مشتری شاطر لرندن بری اوزرنده مفروض اهالی کیجه وقتلری مشتری یی اویله
ضیادار وضیائشار کوریرلرکه. کوردکلری شی لطیفه مائل، سما اوزرنده بزم بر لطافت
کوره یلککلگمز محالدر. کره مشتری آنلره، بزم کونشمز، کوردیگمزه نسبت
قرق دفعه دها بیوک قطرده، یعنی بزم کوردیگمزدن بیوک آلتی یوز کره دها بیوک
بر سطح اوله رق کورینور. بالذات مشتری دن الک اوزاق بؤلنان دردنچی شاطر دن
باقینجه کره مشتری شمسن ۶۴ کره بیوک کورینه جگندن، واوردن شمس بزده کی
رؤیته نسبت اوتوز کره دها کوچک کورندیکندن مشتری توابعندن بری اهالیسنک
مشتری یی مرکز کائنات عد ایدوب، شمس ایسه آنجق آنلرک محرکلرینی ضیادار
ایتمک مأمور بر واسطه تنویریه مقامنده طومغه میسال بؤلنه جغنی فرض ایده جک
اولور ایسه ک پکده خطا ایتماش اولورز.

﴿ باب ثامن ﴾

کائنات ایچنده اجرا ایتمیگمز شو جولان، بزی شمعی اجرام سماویه نلک الک
غریبی اولان زخلک یانه ایصال ایدور. چونکه زخل کی بر جرم سماوی یه

کائنات ایچنده بردها تصادف اولنه مز . زخل بر کره دن عبارت بر سیاره ایسه ده ، بو کره بر حلقه نك اورتیه سنده سربسته معلق بولنیور . یاخود دها طوغریسی زخل کنیدیسی اطرافنده دوران ایدن وکنیدیسنندن پك زیاده آچیلش بولنان بر حلقه ایله محاطدر .

بۇ حلقه کنیدیسی اورتیه سنده بر الما معلق بولنان بر چنبره کبی احاطه ایتمکده اوله رق . کره ایله بۇ حلقه آرمسندده کوپری و سباریه قیلندن بر واسطه ارتباط دخی یوقدر . بالعکس حلقه نك کنار داخلیمی کره زخلک سطح فوقانیسنندن ۴۵۰۰ میل بعدنده اوله رق ، زخل اوزرنده کی انسانلر بزم کبی خیالی سیاحلر اولدقلری و یاخود بزم هنوز کشف و اختراعنه موفق اوله مدیغمز بر طاقم وسائطه مالک بولمقدقلری حالده قابل دکل او حلقه نی کیدوب زیارت ایده مزلر . بۇ حلقه ایله هوادن و یا آکا مائل بر شیدن دکل . عادتاً کشف بر جسمدن متشکل اوله رق ، شمس طرفدن مظهر ضیا اولدیغی زمان کولگه سی زخل اوزرینه آتار و بوشیاره نك اولدقجه بیوک بر قسمنی کسوفه اوغرا دیر . بو حلقه ایله طار و اینجه برشیده دکلدر . کناری یگریمی طقوز میل قالینلغنده و عرضی دخی آلتی بیك میل اتساعنده در . حلقه زخل قوتلی و جسم بر دور بین ایله ارضدن دخی کوربله بیلورایسده کورلمسی ، حلقه نك بزه یالکز کنارینی کوسه تردیکی بر وضعیتده بولمدیغی زمانده ممکندر . چونکه زخل بزدن اوقدر اوزاقدر که یگریمی طقوز میل ثخننده بولمدیغی سویلدیگمز کناری اڭ کسکین و اڭ قوتلی دوریدلر ایله باقدیغمز حالده بیله بزه آنجق اینجه و خفیف بر چیزکی کبی کورینور . حلقه نك اڭ ابو کوریندیگی زمان بزه نظراً اڭ مائل بر وضعیت آلدیغی زماندر . او وقت آلتی بیك میل عرضنده بولنان کنیش سطحک کره زخلی هر طرفدن قوسواری قوشاندیغی و بونك بزم کوز مزه نظراً مائل بر وضعیتده بر حلقه اولدیغی و حلقه نك اورتیه سنده ده کره سیاره نك معلقده بولمدیغی کورمگه موفق اولورز .

ضیا و حرارت شمسک بزه کندن یوز کره دها آز بولمدیغی و اڭ بارلاق اوکله وقتنده بزه کی آلاجه قرانلغک حکمفرما اولدیغی و محورینك شمسه نظراً

اولان وضعیتندن ناشی کند یسندده بزده واقع اولدینی کبی تبدلات مواسم موجود بولندینی و مواسمک بر نصف کره ایله او بر نصف کرده متعاقباً حکم ایلدیکی و هر مواسمک یدی بحق سنه دوام ایلدیکی و کونلری بزم کونلرک نصفی نسبتده اوله رق، سنه لری ایسه سنه ارضدن یگر می طقوز بحق دفعه دها اوزون بولندینی جهتله بویه بر سیاره اوزرنده عجبا فصل یشاغده اولدینی سؤالنه اجوبه لازمی و یرمک خصوصنی ارباب مطالعاتک قوه تخیلاتینه حواله ایدرز .

بز یالکز شاید زخل اوزرنده کی مفروض اهالی خلقه و فکر آ بزه مشابه اولدقلری حالده بو حلقه ناک آنلر اوزرینه نه کبی بر تاثیر اجرا ایلدیکی، آنلره نه حالده کوزندیکی و آنلرک حلقه حقنه نه کبی بر فکرده بولنه بیله جکلرینی تدقیق ایدلم . چونکه یالکز بویه بر تدقیق بزم ارضن زده بویه بر حلقه مالک بولنه حق اولسه ایدی انسانلرک یکده خوشه کتاش بولنه جغنی اثبات واران ایده بیلور .

و قتیله ارضده کی انسانلرک بر کره ناک سطحده یشادقلرینه دائر ذره قدر معلوماتلری اولدینی کبی، زخل اوزرنده یشایان انسانلرک دخی کندیلرینک بر کره ناک سطحده یشادقلرینه دائر معلوماتلری یوق ایدی . بوندن بشقه آنلر، بو کره لرینک بر حلقه ایله محاط بولندیغنه دائر ذره قدر واقف دگل ایدیلر . چونکه بز بورادن باقدیمز وقت حلقه شکلده کورینان شی، آنلره اورادن بستیون بشقه بر شکلده کورینور . کره زخلک خط استواسنده یشایان انسانلرک آنحق حلقه ناک مظهر ضیا اولمان ایچ کنارینی، همده سما اوزرنده بر سیاه خط اوله رق کوردکلرندن، و کره سمانک مطلقا بر مسنده محتاج بولندینی اعتقادنده اوله جقلرندن، بو سیاه خطه، سمایی طاشیان بر کره نظریله باقه جقلردر . واقعا شمسک بو خط سیاهدن کندیلرینه دها اوزاق بر مسافده بولندیغنه حکم ایتمک مجبور اولورلر . چونکه سنه زخلک ایلک و صولک بهار موسملرنده خط استوا اهالیسی شمسی، او صرده حلقه ناک تمام آرقه سنده بولندیغندن کوره مزلر . بو ائادهده حلقه کندیکه کولگه سنی کره زخل خط استواسنک اوزرینه آتار . لکن اوراده کی انسانلر کیفیت بزم قدر واقف اولدقلرندن شمسک، سمانک بر طرفدن او بر طرفه کجه ییلسی ایچون مذکور کرده مطلقا بر دلیک موجود اولدیغنه ذاهب اولملری محتملدر .

کره زخل خط استوائنک طرفینده ساکن اولانلر ايسه بو بایده دهامساعد حال وموقعده بولنورلر . چونکه سمايه باقدقلری وقت آنلر انجمن خلقه ، سمايي ايکي قسمه تقسيم ايتيؤب آنجق بر علامّ السما شکلنده و يان طرفدن اوله رق سمايي احاطه ايدر کورينور . خط استوائنک طرفینده بولان وسط منطقهلر اهاليسی حلقه نك داخلنی ومظلم اولان کنارینی کوردکن بشقه آنک يان سطحنی دخی کوره بيلورلر . حتی اوراده يونانستان قطعه سنک بولندينی درجه عرض کبی درجه عرضیده يشايانلر ، خلقه يی الک ايو کوره بيلورلر . چونکه آنلر حلقه يی وديوارلرینی ، بزم اوتوز قمرک برلشمسندن حصوله گله جک قالينلقده اولمق اوزره غایت جسيم بر قيو حالنده مشاهده ايدرلر . آنلرده موسم صيف اولدينی زمان شمس قيونک ايچ طرفینده بولنوب ، متعادياً حلقه نك يان سطحنی ضيادار ايدر . و بو موسم تمام اون درت ارض سنه سی دوام ايدر . فقط موسم شتا حلوننده آنلرجه شمس ، قيونک طيشاريسنه چيقيور . صوگ بهارک حويليله برابر باب سمايي مظلم کوردکلری کبی ، کوندزک آگا باقدقلری وقت آنی سيم سياه بر علامّ السما حالنده مشاهده ايدرلر . نهايت شمس بر وضعيته گلورکه ، آنلره نظراً حلقه نك تماميله کيوسنده بولنورق ، دهشتلی بر کسوفه سببت ويرير و بو کسوف تقريباً طقوز ارض سنه سی دوام ايدر .

مع مافيه خط استوائنک طرفینده بر طاقم حوالی ده واردرکه ، هر نه قدر حلقه ، بورالرده موسم شتاده اوزون مدت دوام ايدر کسوفلر حصوله کتورير ايسه ده ، موسم شتانک اورته سنده شمس بر دنبه قيو کمرينک آلتنه گلور و فقط آز بر مدت توقف ايتدکن صکره ينه غيب اولور کيدر . ايشته بو حوالی شتا اورته سنده غريق ضيا اولور ايسه ده ، بو حال پک آز دوام ايدم بيلوب شمسک غيوتيله برابر حلقه زخل ينه بر کسوف حصوله کتورير و بو کسوف آنجق موسم صيفک رهبری اولان موسم بهارک حويليله زائل اولور .

مهمجه بر مسافه ده اوزاقده و زخلک شمسدن اولان بعدينک تقريباً بر مثلی ده اوتده ده يوز سنه اول بزجه مجهول بولنش اولان (اورانوس) سياره سی حرکت

ایتمکده در . کندیسى شمسدن ارضه نسبتاً یگر مى دفعه دها اوزافده اولدیغندن آنک
اوزرنده کی ضیاء شمس بزده کندن ۴۰۰ دفعه دها ضعیف بولمقصده در . کره .
شمس اورادن آنجق بزه زهره نك کوریندیگی بر جسماتده کوریلوب، الك بارلاق
برکونده بیلله ایصال ایلدیگی ضیا، بزم مهتاب کجه لر مزك آیدیلغندن زیاده دکلدر .
شمسدن تباعد اولندجه ضیانك تناقص ایتدیگی نسبتده حرارت شمسك دخی تناقص
ایلدیگی معلوم اولدیغندن، اوزانوس اوزرنده کی حرارتك ارضده کی حرارته نسبتاً
درت یوز دفعه دها ضعیف بولنه جنى آشکار اولغله، یشامق ایچسون ضیای شمس
و حرارت شمسه محتاج بولنان سکنه ارضك اوزانوس اوزرنده اصلا یشایه میه جنى
تظاهر ایدر .

(مابعدی نسخه تالیه در)

آلمانجه دن مترجى:

طاهر یوسف

